



“Стеклопластик” МЧЖ корхонасида ўз касбига ихлос қўйган ишчи-хизматчилар, инженер-техник ходимлар меҳнат қилишади. Улар аҳолига ҳар куни мўл ва сифатли қайиқ, стол-стул, мебел жиҳозлари, ўқув қуроллари етказиб бериб, белгиланган режаларни ошириб уддалаётирлар. Пайвандчилардан Нодиржон Эсанов, Шодимурод Туробов, касб усталаридан Шерзод Эгамбердиев ишлари айниқса таҳсинга лойиқ бўлмоқда.

СУРАТДА: иш жараёни акс этган.

Сурат муаллифи Б.КОДИРОВ

Хотира уйгонса гўзалдир

ФИДОЙИ ИНСОН

Хар даврнинг ўз фидойи инсонлари бўлади, дейдилар. Бу беҳуда эмас. Улар вафот этиб кетсалар ҳам амалга оширган ишлари, айтган сўзлари ҳар замон ёдимизга тушиб улар сиймоси беихтиёр хотирамизда гавдаланади. Тошпўлат ота ҳам ана шундай инсонлардан эди. У киши кўп йиллар туман ҳокимлигида боғбон ва қоровул бўлиб ишлади. Ҳамма раҳбарлар у кишидан миннатдор бўлган. Чунки, отахон боғдорчиликни қадрлар, боғлардаги ҳар бир дарахтга меҳр билан қаради. Остини юмшатиб, ўғит солар, бекорчи шохларини кесиб ташлаб, серхосил новдаларни кўпайтирарди. Донолардан Сайидо Насафий ёзганидек:

Ҳеч кимга ялинмас ҳунари инсон,
Ризқини ўз боғидан топади боғбон.

Ҳа, Тошпўлат ота ана шуларга қатъий амал қиларди. Боғдаги дову дарахтлар меҳр билан қилинган парвариш туялари мўл ҳосил беради. Ундан отахон ҳам, идора ходимлари ҳам баҳраманд бўларди. Шунинг учун отахонни тумандаги бир қанча ташкилот, идоралар раҳбарлари ўзларига ишлашга таклиф этишар, ҳеч бўлмаса уйларига олиб бориб дарахтларини кўрсатишарди. Тошпўлат отанинг қайчиси-ю, арраси билан тарвақайлаб ётган дарахтлар шаклга миҳар, келгуси йилда эса мўл ҳосил беради.

–Тошпўлат кесак устига уруғ ташласа ҳам ҳосил қилади,-деган эди раҳматли Мустафоқул ота Собиров. –Қўли гул боғбон, шунинг учун барака топади.

Тошпўлат ота Қурбонов тумандаги бир қатор ташкилотларда – туман молия бўлими, халқ банкида ҳам ҳалол меҳнат қилиб, атроф ободончилигига ўзининг салмоқли ҳиссасини кўшди. Кейинги пайтларда туман Давлат солиқ инспекциясида боғбон бўлиб ишлади. Бу ердаги мева ва манзарали дарахтларни, гулларни отахоннинг ўзи экиб парвариш қил-

ган. Дарахтлар ораси, бўш ерларда эса тўқсонбости экинлар экар, уларга ўз вақтида сув ва ўғит беради. Эрта баҳорда тайёр бўлган қўкатлар, гуллар чиройи киши кўзини қувнатарди. Кеч кузгача эса помидор, бойимжон, булғор қалампири пишиб ётар. Инспекция ходимлари баъзан туш-ликка чиқмасдан шу ернинг ўзида ўзбек оши - помидор тўғраб истеъмол қилишар, олма-ю гилос, шафтоли-ю узумлардан териб ейишарди.

– Тишларинг бор, қарсиллатиб мана бу олмалардан тановул қилинлар, - дея қиз-жувонларга олмалар узатарди.

Таникли олим, Ўзбекистонда хизмат кўрсатган маданият ходими Аслиддин Қамарзода ёзганидек:

Ҳар бир буюк иш сабрдан бошланур,
Сабр қилсанг гўрадан халво пишур.
Улуглар сабр билан улуг бўлганлар,
Сабр қилишга тамал тоши қўйганлар...

Дарҳақиқат, Тошпўлат ота Қурбонов сабрли инсон эди. Бир қизи ва ўғли вафот этганда ичдан эришти юрсанда, сабр қилди. Турмуш ўртоғи ўлганда ҳам шундай. Пана-пананда йиғлаб олсада, бақирмади, кўксини тилмади. Баъзида отахонни тушун холда кўриб, кўнглини кўтарардим.

– Ҳе ўғлим,-деди бир куни Тошпўлат ота. –Келинг, сизга бир ривоятни айтаман. Илгари замонда бир подшо бўлган экан. Унинг давлати кўп, турмуш ўртоғи ва бир ўғли бор экан. Бир куни ўғли отда кетаётди йиқилибди-ю ўлиб қолибди. Онаси доду фарёд солиб йиғлабди. Подшо эса йиғламабди, аламини ичига ютибди. Халқ эса нотинч.

– Подшонинг якка-ю ягона ўғли ўлди,-дебди халқ, –Энди бизга зулм қилади, захрини сочади.

Лекин подшо ундай қилмабди. Хушу хурсандчилик билан ишини да-



вом эттирибди. Халқ эса ҳайрон. Фарзанд доғига чидай олмаган турмуш ўртоғи оламдан кўз юмбди. Подшо уни ўғлининг ёнига кўмдирилди.

– Ҳа, энди подшо бизга ситам ўтказди,-ўйлабди халқ. Бироқ ундай бўлмабди. Подшо яна аркону давлати билан ишини давом этибди. Орандан бир неча ой ўтгач туишган укаси вафот этибди. Майитни тупроққа қўйишаётган пайт подшо чидай олмай фарёд чекибди. Унинг бу ҳолатидан халқ ҳайрон қолибди.

– Ўғлинг ўлди-йиғламадинг, хотининг ўлди - дод демадинг, уканг ўлганда нега фарёд чекдинг?-дея сўрашибди ундан.

– Молу мулким кўп,-дебди подшо. –Қаерга қўл узатсам етади. Яна бир хотин олсам ундан кўп фарзандлар кўрсам ҳам бўлади. Хали бардамман. Аммо, бир қориндан тушган укани қаердан топаман!!!

Отахон айтган бу ривоят ҳали-ҳали ёдимда. Тошпўлат ота Қурбонов одамшаванда, барчага меҳрибон инсон эди. Шунинг учун у киши вафот этган куни кўп одам келди. Уларнинг ҳаммаси отахонни яхши сўзлар билан ёдлашди. Гўё отаси, акаси вафот этгандек, қайгу биланг уни сўнгги манзилга кузатиб қўйишди.

Н.ОЛИМОВ

Қишлоғимиз – гулбоғимиз

ОБОД МАҲАЛЛА

Каттақўрғонариқ қишлоқ фуқаролар йиғини ҳудудидagi Ўрта Арабхона маҳалласи энг обод маҳаллалардан бўлиб, бу ерда 2400 нафардан ортиқ аҳоли истиқомат қилади. Уларнинг ҳаммаси маҳалла фуқаролар йиғини ралиси Абдурасул Отамуродов бошчилигида тўй-маъракаларни тартибли ўтказиш, ободончилик, кўкамзорлаштириш ишларида намуна бўлаяптилар. Натижада 2 километр йўл хашар йўли билан тартибга келтирилиб, асфальт ётқизилди, электр энергиясининг мунтазам таъминланиши учун қўшимча электр трансформатори харид қилиниб ўрнатилди. А.Отамуродов ва маҳалла фаоли, фермер Қахрамон

Суяров раҳбарлигида учта спорт зали қурилиб, болажонларнинг ҳар томонлама чинқишлари учун имконият яратилди. Ўзбек жанг санъати спорт устаси Мунис Мўминов спортга иштиёки баланд болаларни чинқитириб, уларга ўзбек жанг санъати маҳоратини ўргатмоқда. Туман, вилоят ва мамлакат беллашувларида қатнашаётган ўғил-қизлар ўртасида чемпионлар сони ортиб бормоқда. Жаҳон чемпиони Азиза Шамсиева, Ўзбекистон чемпионлари Маржона Ҳалимова, Гулноза Облоқулова, Шохжаҳон Амиркуловлар эндиликда маҳалла фаҳрига айланишган. Хуллас, маҳалламизда чемпионлар, эл назари-

га тушган инсонлар кўпчилики ташкил этади.

Тадбиркорлар ҳам қараб турганлари йўқ. Улар маҳалла ободончилигига ўз хиссаларини қўша-яптилар. Иброҳим, Ҳожи, Исмоил, Икром, Ортиқларнинг саъй-ҳаракатлари билан маҳаллада савдо, маиший хизмат, тиббиёт шохобчалари қурилиб, фойдаланишга топширилди. Натижада ўнга яқин аҳоли иш билан таъминланди.

Бир сўз билан айтганда маҳалламиз аҳолиси ўз қишлоқлари чиройига-чирой қўйиш мақсадида бор имкониятдан фойдаланмоқдалар.

Саъдулло ОДИЛОВ,
халқ таълими аълочиси,
меҳнат фахрийси

ЙИЛ САРҲИСОБИ ВА ЯНГИ РЕЖАЛАР

(Давоми. Боши 1-бетда)

5 та базмоғда тўйлар ихчам ва тартибли ўтказилмоқда. Қишлоқ фуқаролар йиғини тасарруфидagi қишлоқлар Самарқанд шаҳри билан туташиб кетганлиги сабабли, бу ерда жуда катта қўламдаги қурилиш ва бунёдкорлик ишлари амалга оширилди. Уларнинг аксарияти тадбиркорлар ташаббуси билан бунёд этилди. Жумладан, хусусий тадбиркор Обид Фафуров Бухори қишлоғида замонавий кўринишга эга бўлган савдо шаҳобчасини қурган бўлса, яна бир тадбиркор Шаҳриёр Эргашев томонидан 600 ўринли "Меҳр" ресторани қурилиб фойдаланишга топширилди. Унинг ёнида хусусий ҳаммом қад ростлади.

Хусусий тадбиркор Саъдулла Вафоқулов ўзи яшаб турган Туркман қишлоғида супер маркет ва ёзги тўйхона, Эркин Вафоқулов эса мини маркет қуриб аҳолига сифатли савдо хизматини йўлга қўйди. Арабхоналик Бахти Ҳасанов мини футбол майдончасини қурган бўлса, Ҳожи Отамуродов "Дўстлик" номи ресторанига асос солди. Туркман қишлоғида Сулаймон Исроилов стоматология хонаси қурди. Худди шундай тадбиркорларимиз сартарошхона, гўзаллик саломи, бокс зали, гулчилик иссиқхоналарини қуриб, эл назарига тушишди. Бундай мисолларни яна кўплаб келтириш мумкин.

Янги йил режасига биноан уйларда касаначиликни ривожлантириш, бичиш-тикиш цехлари, энг муҳими янги маҳалла маркази қуриш ниятида пойдеворлар қурилган. Шунингдек, Бухори қишлоғида мини футбол майдончаси, зардўзлик цехи, нонвойхона, кондитер цехи, Урганжи қишлоғида савдо мажмуаси, Туркман қишлоғида болалар трикотаж цехи қуриш ва барча маҳаллаларда мини футбол майдончаси бунёд этиш кўзда тутилган. Бундан ташқари Арабхона қишлоғида бензин ва газ қуйиш шаҳобчаси, гулчилик иссиқхонаси, 9-умумтаълим мактаби биносиди МТМ, Дўстлик маҳалласида ҚВП очишни режага киритганмиз.

Жорий йилда қишлоқ ва маҳалларимиз фаоллари зўр қўтаринчилик, ташаббус ва бунёдкорлик руҳи билан яна кўплаб хайрли ишлар қилишга бел боғлаганлар.

Кова МАМЕДОВ,
Каттақўрғонариқ ҚФЙ раиси

Жиноят ва жазо

сандов Фарҳод Болтаевич ўн уч йил, Тайибова Жамила Тоҳировна ўн бир йил, Болтаев Феруз Фарҳод ўғли ўн йил, Ҳамидов Наим Шарифович саккиз йил, Якубов Аслиддин Муҳаммадиевич саккиз йил, Джурев Равшан Тошпўлатович саккиз йил, Қудратов Толмас Тешаевич саккиз йил, Солиев Ўткур Субхонович етти йил муддатга озодликдан маҳрум этилдилар.

Ўзбекистон Республикаси Олий Мажлиси Сенатининг 2016 йил 12 октябрдаги "Ўзбекистон Республикаси Конституцияси қабул қилинганлигининг йигирма тўрт йиллиги муносабати билан амнистия тўғрисида"ги Қарорининг 6-банди "б" кичик бандига асосан судланувчи А.Бозоровга нисбатан тайинланган озодликдан маҳрум қилиш жазоси-

нинг ўталмай қолган жазо муддати тўртдан бир қисмига, шу қарорнинг 6-банди "а" кичик бандига нисбатан судланувчилар Ф.Болтаев, Н.Ҳамидов, А.Якубов, Р.Жўраев ва Т.Қудратовларга нисбатан жазонинг қолган муддати учдан бир қисмига қисқартирилди.

Жиноят-процессуал кодексининг 203-моддаси 1-қисмига асосан ашъвий даяил деб эътироф этилган, жиноятга тайёргарлик қўриш ёки содир этиш учун маҳсус мўлжалланган, тайёрланган ёки мослаштирилган нарсалар, шунингдек, жиноий мақсадларга эришиш учун жиноят содир этиш жараёнида бевосита фойдаланилган мол-мулклар давлат фойдасига мусодара қилинди.

К.ХАКИМОВ,
туман судининг халқ маслаҳатчиси

Жаҳон шеърятидан

Редьярд Киплинг, Англия (1865-1936)

ИНСОН БЎЛ!

Ўзингни англаб ет оломон ичра,
Телбадай уларда оганда эс-уй.
Сен ўзингга ишон, бўйсунма сира,
Гуноҳи ўзига, имонсизни қўй...

... Ният қил, орзуга қул бўлма аммо,
Фикр қил, фикрга сизгиниб қолма,
Бефарқ бўл, келганда омад ё гавго,
Унутма, ўткнчи барчаси, толма...

... Фикрга йўғиргил ҳар лаҳза, онни,
Қунлар, дақиқалар қайтмас ҳеч қачон –
Шунда эгаллайсан олам, бўйсунма, ҳонни,
Шунда, эй, ўғлоним, бўлгайсан Инсон!

Сихат-саломатлик бурчаги

СОҒЛОМ ТАНДА СОҒ АҚЛ

Халқимиз орасида тилдан-тилга кўчиб юрган бу пурмаъно ҳикмат замирида жуда катта мазмун бор. Ана шу доно фикрнинг моҳиятини чуқур англаганлар энг аввало ўз саломатлигига жиддий эътибор қаратса, айримлар эса инсон умрини узайтириш бўйича яратилаётган шарт-шароитларга қарамай, турмуш ташвишларидан ортиб ўз соғлиғи ҳақида қайғурмайди. Натижада турли касалликларга чалиниб юрганлари ҳам айни ҳақиқат. Мавзунинг кенгроқ ёритиш учун 56-сонли Самарқанд туманлараро меҳнат экспертиза комиссияси раҳбари Мархабо Узоқовани суҳбатга тортдик.

Узоқова: – Дарҳақиқат мамлакатимизда фаолият юритаётган, дунё андозаларига тўлиқ жавоб берадиган, замонавий тиббий асбоб-ускуналар билан таъминланган бир-биридан кўрам тиббиёт муассасалари, оливий поли-клиникалар, қишлоқ врачлик пунктлари, скрининг марказлари барча-барчаси юртимиз фуқароларининг соғлиғини сақлаш, саломатлигини муҳофаза қилиш учун хизмат қилмоқда. Аммо шунга қарамай айрим замондошларимизнинг хаста эканликларини, яна кимларнидир ҳатто меҳнатга лаёқатсиз бўлиб қолганликларини кўриб очиги таажубга тушсан киши. Наҳотки, шунча саъй-ҳаракатлар зое кетаётган бўлса? Нега улар яна бетоб бўлиб қолишарми? Бунинг сабаби нимада? Уйлайвериш ўйинига етолмайсан.

Беҳизга халқимиз касаллиқни даволашдан кўра уни олдини олган афзал дея айтмаган. Ўнг аввало инсон ўз соғлиғини биринчи ўринга қўйиши шарт. Турмуш ташвишлари деб соғлиғига эътиборсиз бўлмасликлари керак. Бундан ташқари турли касалликларнинг ва пировадидида ногиронлиқнинг олдини олишда профилактика ишлар бирламчи аҳамият касб этади.

Мухбир: – Профилактика нима? Унинг мазмун моҳияти қандай?
Узоқова: – Профилактика – бу саломатлиқни сақлаш ва мустаҳкамлашга қаратилган тадбирлар мажмуидир. Соғлом турмуш тарзини қарор топтириш, аҳоли ўртасида тиббиёт маданиятини юксалтириш, уларга ўз саломатликларига мажбурият ҳиссини ошириш шулар жумласидандир.

Мухбир: – Саломатликка салбий таъсир кўрсатувчи асосий омиллар нималардан иборат?

Узоқова: – Булар руҳий зўриқиш, бетартиб овқатланиш, жисмоний фаоллик билан шугулланмаслик, рационал дам олмаслик, вақтида бириктирилган тиббиёт муассасаларининг профилактик назоратидан ўтиб турмасликдир. Юқоридagi кўрсатмаларга амал қилмасликларга натижада юрак қон томир касалликлари, гипертония, юрак ишимик касаллиги ва қандли диабет хасталигини орттириб олиб охир-оқибат меҳнатга лаёқатсиз бўлиб қолган кўплаб фуқароларимизни мисол қилиб кўрсатишимиз мумкин.

Мухбир: – Ана шундай фуқаролар билан профилактик назорат қандай тартида олиб боришмоқда?
Узоқова: – Уларни дастлаб тиббий экспертизадан ўтказиб, касаллик қайси босқичда эканлиги аниқланади. Шундан сўнг тегишли кўрсатмалар бериб, даволаш ва диагностика марказларида саломатликларини тиклашни тавсия қиламиз. Кусонарлиси шундаки, маҳоратларимизга тўлиқ амал қилган айрим фуқароларимиз кейинчалик дарддан фориг бўлиб, яна ўзларини меҳнатга лаёқатли эканликларини ҳис қилмоқдалар.

Давлатимиз раҳбари томонидан Янги 2017 йилнинг "Халқ билан мулоқот ва инсон манфаатлари йили" деб эълон қилиниши, ўтган "Соғлом она ва бола йили"нинг узвий давомийлиги сифатида бизларга юксак масъулият юклайди. Буни чуқур англаган жамоамиз ўз вазифаларига янада сидқидилдан ёндошаётирлар. Мақсадимиз ҳар бир юртдошимизни доимо соғу-саломат қўришидир.

Суҳбатдош Эркин ЮСУПОВ

ЭЪЛОН	ЭЪЛОН	ЭЪЛОН
Туман 1-сон Давлат нотариал идорасида марҳум Джўракулов Даврон (2015 йил 4 февраль куни вафот этган)га қарашли мол-мулк учун мерос иши очилмоқда. Шу муносабат билан меросхўрларнинг туман 1-сон Давлат нотариал идорасига мурожаат этишларини сўраймиз.	Манзил: Хожа Аҳрор маҳалласи	

ГИЁҲВАНДАР БЕТ БОРМИ?..

Дунё ёлгон, оҳ, унинг кўзларида ёш кўрдим,
Ҳалоллиг, покликнинг қўлларида тош кўрдим...
Қўйқандан

Театр санъатида ишлайдиган дўстимни учратиш қолдим. Ҳаёли парижон, ҳадеганда гапирмасди. Одамови бўлишнинг сабабини сўрадим.

– Режиссёримиз янги спектаклни саҳналаштиряпти,-деди у қўлидаги пилани ўйнаб. –Бўрча артистларга рол тақсимлади. Менга эса ашаддий гиёҳванд, бир сўз билан айтганда тутуриқсиз рол теги. Ёмон кўрганим гиёҳвандлар. Уларни кўрсам уриб ўлдиргим келади.

– Хўш, энди нима қилмоқчисан?-ғашига тегмай оҳиста сўрадим.

– Ўйнамайман, бу ролдан воз кечаман!

– Ахир сен актёрсан-ку?! Ҳар қандай образни маромига етказиб ўйнашинг керак. Халқ артисти деган номинг бор.

Дўстим узок ҳаёлга берилди. Мен эсам осийиш-та, фаровон ҳаётдан завқ олиб, оиласи камчиликларини битиришга, шириндан-шакар фарзандлари таълим-тарбиясига беэътибор оталар, гиёҳвандлик кўчасига кириб кетган кимсаларнинг борлигини афсус ва надоматлар билан эсладим. Яқинда уларнинг бир гуруҳи устидан жиноят иш-

лари бўйича туман судида очик суд мажлиси бўлиб ўтди. Қора қурсида улар бошларини эгиб ўтиришибди. Уларнинг кўпчилиги хали ёш, 3-4 тадан болалари бўлса, баъзиси эса пенсияонер. Ҳе, қариб қўйилмаган отахон-а, дегим келди. Афсуски, судланувчилар орасида аёллар ҳам бор эди.

Судланувчилар Аслам Бозоров, Хурсандов Фарҳод Болтаевич, Тайибова Жамила Тоҳировна, Болтаев Феруз Фарҳод ўғли, Ҳомидов Наим Шарифович, Якубов Аслиддин Муҳаммадиевич, Джўраев Равшан Ташпўлатович, Қудратов Толмас Тешаевич, Солиев Ўткур Субхоновичлар бир неча йилдан буён қонунга

хилоф равишда кўп миқдордаги гиёҳвандлик воситаларини сотиш, истеъмол қилиш, сақлаш билан шугулланиб келишган. Келадиган мўмай пуллардан ўзларича хурсанд бўлиб, жиноятчи давом эттираверилган. Бузоқнинг югургани сомонхонагача, деганларидек, бу ҳамтовоклар қилмишларига чек қўйилмагунча ўз қирқдорларини давом эттириверишган. Худук-тартибот идоралари ходимлари ният уларнинг ишларини чеклашди. Мана энди улар қора қурсида боз эгиб афсусланиб ўтиришибди. Сўнгги пушаймон ўзингга душман дейишди, ҳақ гап. Одил суд ҳақиқатни юзага чикарди. Аслам Бозоров ўн бир йил, Хурсандов Феруз Фарҳод ўғли ўн йил, Ҳамидов Наим Шарифович саккиз йил, Якубов Аслиддин Муҳаммадиевич саккиз йил, Джўраев Равшан Тошпўлатович саккиз йил, Қудратов Толмас Тешаевич саккиз йил, Солиев Ўткур Субхоновичлар етти йил муддатга озодликдан маҳрум этилдилар.

Уларнинг ҳаммаси отахонни яхши сўзлар билан ёдлашди. Гўё отаси, акаси вафот этгандек, қайгу биланг уни сўнгги манзилга кузатиб қўйишди.

✉✉ Таҳририятга келган бирорта хат эътибордан четда қолмайди. ✉✉



Мухаррир:
Нормурод КАРИМОВ

Газета Самарқанд вилоят
Матбуот ва ахборот
бошқармасида 16.01.2007 йил
09-18 рақами билан рўйхатдан
ўтган. Индекс 615

Эл.почта: gulobodtongi@gmail.uz

Газета таҳририят компьютерида терилди ва «Шердор плюс полиграф» МЧЖда офсет усулида босилди. Корхона манзили: Самарқанд шаҳри, У.Турсунов кўчаси, 82-уй

“Гулобод” АБ. МФО 00929.
Х/р 20210000200439068001. ИНН: 200776484. ОКНХ: 87100.

Масъул котиб:
Саҳифаловчи:
Навбатчи:

Н. ОЛИМОВ
А. ИСЛОМИЙ
Х. НУРУЛЛАЕВ

Газета бир ойда 4 марта, ўзбек ва тожик тилларида чиқади

Босишга топшириш вақти: 16:00 Босишга 18 январь куни соат 17:20 да топширилди.

Манзилимиз: Самарқанд туман, Гулобод кўргони, туман давлат солиқ инспекцияси биноси.
Телефонлар: 612-51-04, 508-83-51

4825 нусхада чоп этилди. Буюртма _____
Қоғоз бичими А2 t - тижорий материал

Сотув эркин нарҳда.